







fructibus, tunc primum resignare vellet, quando dominus iturus ad bellum operi & servitibus vasalli maxime indigeret. Hac enim ratione deterrima esset conditio domini.

**149** Ceterum, quod novum Feudum etiam absque domini consensu possit illi quoque renuntiari, qui eidem alias succederet, patet ex dictis supra num. 121. Extraneo tamen Feudum nec novum nec antiquum absque consensu domini renuntiare potest; eod quod talis resolutio vera alienatio esset, quae absque consensu domini fieri nequit, juxta dicta num. 119.

**150** Feudum antiquum etiam absque consensu domini resignari potest proximo agnato, arg. lib. 1. Feud. tit. 13. §. fin. non item extraneo sine consensu domini & agnatorum. Imo nec domino sine consensu agnatorum: quamvis enim resignatio Feudi antiqui sine consensu agnatorum domino teneat, quamdiu vasallus talis vivit, tamen eo mortuo redit ad proximos agnatos aequae, ac si non resignasset per Jura & rationes supra n. 126. allegatas.

Quarto amittitur Feudum ob commissam Feloniam, circa quam notandum, Feloniam esse terminum Feudalem, quod delictum vasalli Feudo privans significat, lib. 2. Feud. tit. 37. Hujusmodi delicta sunt in triplici differentia. Alia enim directe in dominum committuntur: alia indirecte eundem offendunt: & alia, quae nec indirecte nec indirecte dominum tangunt, quia tamen multum infamant, ita ut vasallus in curia domini cum aliis honeste stare non possit, Feudo etiam privato.

**152** Delicta dominum directum tangentia, ob quae amittitur Feudum, sunt, si vasallus violentas manus domino injiciat, aut contra eum gladium stringat, etiam vulnere non secuto: si veneno aut alio modo infidias domino struat: si feodum cum hostibus domini inerat: si domum vel castrum, aut alia domini bona vi aggrediatur: si dominum absque iussu Magistratus criminaliter accuset, aut famosa aliqua actione pulset: item si in simili causa testem, vel advocatum contra dominum agat: si dominum ipsum, vel Feudum abneget: si domini arcanam dolose revelet: si debita servitium ei denegat: si eum in acie deserat, & tandem universaliter, si aliquam quamcumque tandem gravem injuriam aut laesionem in bonis corporis, famae, vel fortunae domino inferat &c.

**153** Delicta dominum indirecte offendentia sunt, si vasallus cum uxore domini, vel cum nepto, aut nuru, vel cum sorore domini, dum ea in familia domini est, commisceatur, aut id facere attentet: item si aliquid scienter committit, quod in gravem aliquam injuriam personarum ad dominum specialiter spectantium redundat; jurat namque vasallus lib. 2. Feud. tit. 7. Nunquam ex persona mea aliquid faciam scienter, quod pertineat ad tuam, vel tuorum injuriam, vel contumeliam. Quod etiam pertinet, si vasallus subditos nimis crudeliter tractet, aut nimium emungat vel grave.

**154** Delicta nec directe nec indirecte dominum tangentia sunt parricidium, latrocinium, crimen laesae Majestatis, & alia quaecumque crimina gravem Juri infamiam inferentia, ita ut vasallus honeste stare in Curia non possit. Quae triplicis generis delicta quod Feudo privent, videre est Feud. lib. 1. tit. 5. 17. & 21. item lib. 2. tit. 3. 5. 6. 7. 14. 17. §. fin. tit. 26. §. Si vasallus. tit. 37. & DD. communiter.

Ad quem autem Feudum, quod vasallus ob delictum amittit, devolvatur, non modica est controversia inter DD. qui tamen in hoc conveniunt, quod Feudum novum indubitate devolvatur ad dominum; quodcumque tandem ex recentis delictum

committat vasallus: item conveniunt, quod si delictum nec directe, nec indirecte dominum tangat, Feudum antiquum non ad dominum, sed ad agnatos devolvatur lib. 2. Feud. tit. 24. §. Denique; Si vero non in dominum, sed aliis graviter deliquerit, vel grave quid commiserit, & feudum amittit, & non ad dominum, sed ad proximos pertinet. Concordat textus Lib. 7. tit. 37. Excepti Fachin. filios, utpote ad quos Feudum ob delictum vasalli amissum, nunquam transire docet lib. 7. cap. 23. arg. lib. 2. Feud. tit. 37. ibi: Vasalli Feudum delinquentis licet ad agnatos quandoque pertineat, filius tamen ad id nullatenus aspirabit. Ratio est; quia filiorum cum patre delinquente major est conjunctio, indeque magis adesse praesertim periculum, ne cum sanguine etiam paternam malitiam participant, arg. l. Quisquis. §. 1. C. Ad leg. Jul. Majestatis.

Si vero delictum dominum tangit, volunt alii **155** qui Feudum antiquum etiam ad agnatos, & non ad dominum reverti: alii contra docent, illud ad dominum non quidem perpetuo, sed quamdiu vivit delinquens, redire. Prohibitor tamen ad communior docet, Feudum ob tale delictum ad dominum perpetuo devolvi: quae sententia profecto claros pro se habet Textus, praesertim lib. 2. Feud. tit. 24. §. Denique. ubi ipsissima haec controversia proponitur, & ita solvitur: Siquidem vasallus ita in dominum peccaverit, ut Feudum amittere debeat, non ad proximos, sed ad dominum beneficium revertatur, ut hanc saltem habeat sine injuria ulionem: si vero non in dominum, sed aliis graviter deliquerit, & Feudum amittit, & non ad dominum, sed ad proximos revertitur. Idem habetur eod. lib. tit. 37. ibi: Cum autem dominum respicit Felonia, Feudum tunc domino aperitur.

Limitatur nihilo minus haec sententia in Feudis, **157** quae dignitati Ecclesiasticae sunt annexa; enim vero si Praelatus eam possidens, unum ex recentis delictis committit, amittit quidem Feudum quoad fructus & redditus, quamdiu vivit, vel in dignitate est; eo vero mortuo, deponit aut resignante, Feudum a domino iterum redit ad Ecclesiam, vel in successorem in Praelatura, ob specialem Juri dispositionem lib. 2. Feud. tit. 40. §. Item ibi: Item si Clericus veluti Episcopus, vel Abbas beneficium habens a Rege datum non solummodo persone, sed Ecclesiae, ipsum propter suam culpam perdat, eo vivente, & Ecclesiasticum beneficium, vel honorem habente, ad Regem pertineat. Post mortem vero ejus ad successorem revertatur. Ratio est; quia delictum persone non debet in Ecclesiae detrimentum redundare. Reg. 76. Jur. in 6.

Quod si vero Feudum non ad solam mensam Praelati, sed ad Praelatum, & Capitulum simul pertinere, & solus Praelatus delinqueret, non totum Feudum, sed ex parte tantum proportionaliter nempe amitteretur; nam ut dicitur l. Sancimus. 22. C. de Penis: Peccata suos tenent Auctores, nec ulterius progrediatur metus, quam reperitur delictum. Ob quam rationem si solum peccaret Capitulum, pariter non praedicaret Praelato, sed privaretur sua parte Feudi Capitulum, quamdiu membra talia viverent, usque mortuis rediret ad successores. Utraque autem tam Capitulo quam Praelato delinquente totum Feudum quoad fructus ad dominum, mortuis vero delinquentibus ad successores Praelati & Capituli rediret, arg. cit. lib. 2. tit. 40. & Reg. Jur. 76. in 6. docente Pirhing h. i. numer. 14. Rosenthal e. 10. de Feud. concl. 3. Layman, & alii.

Tandem amittitur, seu potius finitur, & extinguitur Feudum, quando mortuo vasallo nullus extat amplius haeres, qui in Feudo de Jure succedere possit, Feud. lib. 1. tit. 18. & lib. 2. tit. 15. Et in hoc casu

casu Feudum dicitur proprie domino apertum, seu fieri apertum domino; Germanice fallt dem Lehen-Herrn haimo: contra si ob delictum seu Feloniam amittitur, dicitur fieri caducum Germanice wird verwdrht.

**160** Porro illud universaliter notandum, quod est ob Feloniam commissam Feudum ipso Jure quoad dominium amittatur, seu fiat caducum, nihilo minus quoad privationem possessionis requiritur sententia declaratoria Judicis. Gailus lib. 2. observ. 51. n. 1. Myosinger Cent. 6. observ. 77. Rosenthal de Feudis cap. 10. concl. 2. & communis aliorum, arg. lib. 1. Feud. tit. 21. ibi: Sancimus, ut nemo miles sine cognita culpa beneficium suum amittat, si ex culpa is, vel causa convictus non fuerit &c. non amittit. Idem expressè habetur in Statutis Bavarie tit. 12. a. 6. ordinandibus, ut in casu siue apertura, siue Feloniae & caducitatis, Feudum propria autoritate non arripiat, sed expectet sententiam declaratoriam Judicis, nisi forsitan Feudum omnino esset vacuum, nullisque possessor illius adesset.

**161** Quartum V. Quis sit Juxta oriente lite in causa Feudali? Res. Quaestio hanc esse satisfactam lib. 2. tit. 1. de Judiciis §. 5. n. 118. & seq. ubi videndum. Ceterum qui plura de amplissima materia Feudali, de qua aliqui integros scripserunt Tomos, desiderat, reperiet apud Feodicos, praesertim Julium Clarum §. Feudum. Rosenthal de Feud. Fachin. lib. 7. per totum, Haunoldum Tract. 9. c. 5. & alios.

TITULUS XXI.

De Pignoribus, & aliis Cautionibus.

**1** Ratio continuationis Rubricarum.

**2** Vnum est haecenus de nonnullis contractibus, utpote speciebus Alienationis; sequitur nunc de his, quae contractibus ad majorem firmitatem, & contrahentium securitatem solent adhiberi, Pignoribus nempe & Cautionibus. De quibus sit

§. I.

De natura ac divisione Pignoris.

SUMMARIUM.

1. Varia acceptio Pignoris.
2. Pignoris definitio.
3. Pignus & Hypotheca largè conveniunt, proprie differunt.
4. Assignatur propria differentia inter illa.
5. Solvitur instantia.
6. Inter Pignus & Hypothecam quoad actionem inde sequentem nulla est differentia.
7. Pignoris & Hypothecae varia divisio.
8. Pignus expressum, & conventionale quid?
9. Pignus Praetorium.
10. Et Judiciale quid?
11. Hypotheca Generalis quid, & quae comprehendat?
12. Recensentur ea, quae Generali hypothecâ non comprehenduntur. Et num. seq.
13. Pignus speciale quid?
14. Pignus tacitum, & legitimum, seu legale quid?
15. Usor ratione dotis habet tacitam hypothecam in cunctis bonis mariti, cum jure praelationis.
16. Ac etiam ratione bonorum paraphernalium administrationi viri commissorum, sine tamen jure

- re praelationis.
17. Contra tacitam habet hypothecam maritus in bonis uxoris pro dote nondum tradita, praestanda.
18. Rursus habet hypothecam tacitam Fiscus in bonis contrahentium cum eo, ac bonis Officialium.
19. Item minores & pupilli in bonis Curatorum, & Tutorum.
20. Ecclesia, loca & causa pia in bonis Praelati, & Administratoris.
21. Liberi quoque prioris matrimonii in bonis parentis ad secundas nuptias transeuntis.
22. Sicut & Legatarii in bonis defestatore relictiis.
23. Ac pupillus in re ex ipsius pecuniis emptâ.
24. Item mutans dans pecunias pro reficiendo &c. aedificio, ipso in aedificio suis pecuniis refectio.
25. Venditor in re vendita, donec pretium solvatur.
26. Locator in rebus in praedium urbanum investit' vel illatis.
27. Speciate quid in praediis rusticis observatur.
28. Solvitur instantia contra praedia rusticâ.
29. Creditor acquirens res debitoris, an, & quando eas retinere valeat?
30. Praedia rustica & urbana quae?
31. Oppignorare qui possunt?
32. Praelati Ecclesiarum generaliter, non item specialiter hypothecare possunt res Ecclesiae.
33. Solvitur instantia.
34. Debita propter Ecclesiae, vel personalem necessitatem ad Praelato contracta solvere tenetur Successor.

**Q**uartum I. Quid sit Pignus? an & quomodo differat ab Hypotheca? Ante responsum notandum, Pignus subinde accipi pro re ipsa oppignorata, seu quae in pignus datur, uti patet ex totis ferme titulis ff. & C. de Districtione Pignori. Subinde pro ipso jure, quod creditor in re oppignorata habet, totis Titulis ff. & C. Qui potiores in pignore. Subinde pro ipso contractu, seu conventioni, quâ res alteri securitatis gratia datur, vel obligatur, L. 1. §. fin. ff. de Paclis, ibi: Conventiones plerumque in aliud nomen transeunt: veluti in emptionem, locationem, Pignus &c. Sumendo itaque Pignus in hac ultima acceptance, Resp. I. Pignus est conventio tacita vel expressa, quâ res alteri interim datur, vel obligatur in securitatem debiti; ut, si aliunde eidem non satisficeret, inde satisfactionem habere possit. Ita in re communis. Solum notandum, verba tacita vel expressa, ideo esse addita, ut tam tacitum, quam expressum Pignus, quod juxta dicenda datur, in definitione comprehendatur. Ceterum colligitur ex data definitione fias Pignorum, videlicet major securitas creditorum, seu eorum, qui aliis sibi obligatos habent: nam ut dicitur §. Unde constat. 14. Inst. de Obligat. quae ex delicti, etiam si idoneum debitorem habeat. Quia expedit Pignori potius incumbere, quam in personam agere. Et plus Cautionis in rem est, quam in personam. Reg. 26. ff. de Reg. Jur.

Resp. II. Quamvis Pignus & hypotheca tam à 3 Doctores, quam à Jure persæpe confundantur, nulla nisi nominis distinctione inter utrumque admittâ l. Res. 5. §. 1. ff. h. t. Inter Pignus autem, & Hypothecam, tantum nominis sonus differt. Nihilominus strictè ac proprie loquendo, aliqua est differentia, quam aliqui in hoc consistere dicunt, quod Pignus sit circa res mobiles, Hypotheca vero circa immobiles, arg. l. Plebs. 227. §. Pignus. 2. ff. de H. h. 4